

21<sup>st</sup> October (*Pathianni Zan*)

6:00 PM - PATHIAN BIAKNA KIKHAWP

Puitu : Rev. Gintinthang  
i/c New Lamka Pastor Bial

Thugen chawm (15 mins.) : Rev. Malakia Lalnunfela  
i/c Mata Pastor Bial

Thupi : *Pâk Lâ thilhitheina*

Lapawl : 1. Lamka Pastor Bial  
2. Imphal Pastor Bial  
3. Manipur Area Choir

Thawlawm : Manipur Area a ding

Result Puan &

Kipakman Hawpna : Rev. C. Zoramawia, A/S

### NOTES

1. Kidemna endiktu dingte:
    - 1) T/Upa Genllalian, Hill Town (Convenor)
    - 2) Upa B. T. Khampu, Kangvai
    - 3) Rev. C. Lalrinliana, i/c Leijangphai Pastor Bial
    - 4) Upa Lalthuoisang, Nazareth
    - 5) Pu S. L. Robert, New Lamka (MAC Convenor)
  2. Pathian pak khawmna hun zosia a hin Instructor ten ei puihuai ding a hi'u. A maute chu:
    - 1) Rev. C. Lalrinliana, i/c Leijangphai Pastor Bial,
    - 2) Upa Lalthuoisang, Nazareth
    - 3) T/Upa Genllalian, Hill Town
    - 4) Tv. Luanmuanthang, Mata Vengpi
- 

Editorial 

### LA HUN PHA MANSUA KIN !

Nupi pakhat hin thil lian tak a bawlkhial ziakin damsung suangkul tâng dingin court in thutanna a siam khum ta. Zia thu chu a hiat phatin kap pumin a hukdawktu ding hawl maleh a panpitu ding a mu zo ta pua. A chungchang ngaitua dingin court sunga ko lut in a um ta. A pawsal, a inkuan, a lawiphate leh ama hun zuite chunle a kapi ua, maleh kinepna a um diak pua'i.

Zia hun lai takah chun a kinep phak lo keiin Hiatpitu dinna mun (*witness box*) ah a dindaw ma'n mi kua ahem hiat khaklo hi a hung ding thut ah. Court room sung chu khuaiva betthak a bang ziang ta. Mi zosia'n a ma bepcha chu a en tau a. Ama chun zaidam leh ngilneitak mel a pu'i.

Ama pa chu *witness box* sunga chun a ding a, Nupinu a dingin a hun gen piak ta. A case chu thu haksatak himai maleh a theina, hatna le a thilhitheina nei zosia mangcha'n Numeinu thasang chun a genpiak tu'n a pang ta. A chung thu sawt tak a ngaitua nungun a tawpin numeinu chu zalensak a hung hi ta'i. Zia phat chun numeinu'n khupdin pumin "*Kua la hem?*" tiin a dawng a. Maleh ama pa chun kam khat cha'n le a dawnhu pua'i.

A zing â chun henasasa in thil a hun bawlkhial kit ta. A masa gual bawk khan Court a sawl in a um kit zêl hi. Thutanna court room sungah a vak lut leh zani ma ma ah ama â ding ah genpiaktu pa kha vaihawmna chutpha a kichu chu a

---

vak mu ta. Ama chu Genpiaktu (*Lawyer*) hitaloin Thukhentu (*Judge*) in a la pang ta. Zani a chungchang a gen piak gualah gen piak kit ding kinemin a vak nai phei a. Nui mêl leh kipak mêl tak pumin in, “*Ka hung kit ta’i*” a ti kit a. A kinep lo gual takin ama pa chun, “*Zani khan Genpiaktu ka hia, ka theina zosia’n la gitlona hia pumin thiam la chan theina dingin nang a ding in theitawp sua in ka hun panpi a, tuhi Thukhentu ka hi ta, dik taka vai ka hawm a ngai ta’i*” a ti piak ta. Zia phat chun mitthi tui va zut zut pumin a velni na di’n “*Kua la hem*” tiin a dawng kit a. zia phat chun ama pa chun, “*Zani khan nangma Hukdamptu ka hia, Tunin vang Thukhentu ka hi*” ati piak ta’i.

Zia Numeinu gual hin hun pha i nei teu mansua kha’i tiu. Lalpa’n lèn sep ding a hun ti chun Peter gualin a hun takin la lèn chu sep mai in. Lalpa’n la hiat lona gam zuan ding ah a hun sawl chun Abraham gualin kipan dawng mai in. Lalpa’n la umna apat hung kum tha’n a ti chun a hun takin Zakai gualin kum tha mai in. Lalpa a kipat inkuan siamtupna ding thupiak la mu chun Hezekia gualin siamtup ngal in. Lalpa’n a selai siampha ding ah a hun ko chun Isai gualin siam phatna na sêm ngal in. Suanlam siam pu’a’i tiu.

*Genpiaktu* leh *Tandawktu*, Jesu Khrista i nei lai ua hin i hun hawi nei teu hih ama dawidan leh ama â dingin mang hitiu. Mi zosia chung ah dik taka vai a hun hawmna ding hi sawt khel ta puan a. Jesu hung vak ding ei ta’i. Ama tuak dingin kisa zosa’n um zing hitiu. A hung ding hun gen thei a hi paw ngala. Zia zia chun, “*La hun pha mansua kin.*”

Lalpa’n simtute zosia, hun pha i neiteu mang thiam thei dingin ei malzawl chiat ta hen !

21<sup>st</sup> October, 2018 (*Pathianni*)

**10:30 AM - PATHIAN PAK KHAWMNA**

Puitu : Rev. Joseph Lalnunmawia,  
i/c D. Phailian Pastor Bial

Thugen chawm : Rev. C. Lalngaihawma,  
(15 mins.) i/c Sugnu Pastor Bial

Thupi : *Lenkhawm Lâ ah Pathian pâk  
a pawimaw dan*

Lapawl : 1. Manipur Area Choir  
2. Sugnu Pastor Bial  
3. Kangvai Pastor Bial

Thawlawm : Manipur Area a ding

Pathian Pak

Khawmna : Lenkhawm Lâ

**12:30 PM – 1:30 PM - TEA BREAK**

**1:30 PM - PATHIAN PAK KHAWMNA**

Puitu : Rev. K. Jama Vaiphei  
i/c Leilon Pastor Bial

Thugen chawm (15 mins.): T/Upa Genlallian

Thupi : *Solfa Lâ ah Pathian pâk  
a pawimaw dan*

Lapawl : 1. Mata Pastor Bial  
2. S. Kawtlian Pastor Bial  
3. Sharonphai Pastor Bial

Pathian Pak

Khawmna : Solfa Lâ

**PRESBYTERIAN CHURCH OF INDIA  
MIZORAM SYNOD : MANIPUR AREA**

**AREA MUSIC FESTIVAL  
PRORRAMME**

*A mun : VPC Hall, New Lamka  
A hun : 19<sup>th</sup> – 21<sup>st</sup> October, 2018*

**19<sup>th</sup> October, 2018 (Simbaini)**

**6:00 PM - TUNKIM ZAN**

Puitu : Rev. K Neihzial, Coordinator  
Lapawl : 1. New Lamka Pastor Bial  
2. D. Phailian Pastor Bial  
Thugenna : Rev. C. Zoramawia, AS

**Date 20<sup>th</sup> October, 2018 (Kiginni)**

**10:30 AM– 12:30 PM – KIDEMNA**

Puitu : Rev. S. Lama Vaiphei  
i/c Munpi Pastor Bial  
Kidemna : Bial tin apat (Solfa Lâ)

**(12:30 PM – 1:30 PM Tea Break)**

**1:30 PM – KIDEMNA**

Puitu : Upa D. Kappa, Com. Member  
Kidemna : Bial tin apat (Lenkhawm Lâ)

**Date 20<sup>th</sup> October, 2018 (Kiginni)**

**6:00 PM - PATHIAN BIAKNA KIKHAWP**

Puitu : Rev. R. Lalawmpuia  
i/c Imphal Pastor Bial  
Thugen chawm : Rev. C. Lalrinliana  
(15 mins.) i/c Leijangphai Pastor Bial  
Thupi : *Lâ ah Pathian Nasep*  
Lapawl : 1. Leilon Pastor Bial  
2. Manipur Area Choir

**MPCS MANIPUR AREA**

*Rev. C. Zoramawia  
Administrative Secretary*



**1. Sum din mun:**

August tha leh April-August 2018  
Pathian Gam Thilpiak hung lut dan chu  
ziagual hi a hi.

**1) Pathian gam dinmun (August & April 2018 – August 2018)**

<i>Sl. No. Budget Head</i>	<i>2018-2019 Budget</i>	<i>August Receipt</i>	<i>Total Receipt</i>
1) Pathian Gam	1,80,00,000	21,01,150	96,81,025
2) Anchangham	27,00,000	3,16,656	14,55,998
3) Gamthak	98,40,000	11,84,713	54,25,583
4) Sêmtu Chawpna	12,00,00	1,25,220	6,05,676
5) Sakramen	1,50,000	16,292	1,13,579
6) Sunday School	72,000	14,21	41,305
7) Kichenna	8,000	1,500	5,200
8) Damdawi In	30,000	1,610	42,233
<b>Total</b>	<b>3,20,00,000</b>	<b>37,61,354</b>	<b>1,73,70,599</b>

**2) Pastor Bial chuam chuam Pathian Gam sunlut dan:  
(August & April 2018– August 2018)**

<i>Sl.no Bial</i>	<i>Aug, 2018</i>	<i>Apr-Aug, '18</i>	<i>Thelut zat</i>
1. Imphal	6,84,100	31,04,205	05
2. Lamka	5,47,002	26,46,482	05
3. D. Phailian	5,33,927	25,45,102	05
4. New Lamka	5,15,079	20,62,501	05
5. Kangvai	2,64,616	13,52,786	05
6. Sugnu	2,56,395	11,54,259	05

7. Mata	2,27,253	10,82,586	05
8. S. Kawtlian	1,60,310	7,74,883	05
9. Delhi Kochuam	75,429	4,12,901	05
10. Leilon	69,200	3,21,237	05
11. Panglian	60,266	3,13,833	05
12. Sharonphai	68,285	2,71,506	05
13. Munpi	50,640	2,53,372	05
14. Leijangphai	41,624	1,78,238	05
15. D. Khawzim	30,739	1,32,399	05
16. Phaipheng	25,261	1,26,794	05
17. Dumlian	27,573	1,28,723	05
18. Kawlhen	28,830	1,26,431	05
19. B. Phainuam	23,280	84,545	05
20. Phailianbung	9,314	76,208	05
21. Jiribam	17,725	76,382	05
22. Tungkyaw	12,100	61,100	05
23. Nanphalong	5,850	28,600	05
24. Chingmei	11,356	27,316	04
25. Kalaymyo	3,200	16,210	05
26. CKNP	12,000	<u>12,000</u>	
<b>Grand Total</b>	<b>37,61,354</b>	<b>1,73,70,599</b>	

## 2. Upa Seminar-cum- Retreat

August 25, 2018 ni'n Manipur Area huap Seminar chu Synod Hall mun ah lawk takin nei zaw a hi. Rev. C. Zoramawia Administrative Secretary'n zia thupite hi mangcha'n a zilsak hi.

- 1) Kochuam Upate leh Tual Upate mawpuakna
- 2) Sum etkawl dan

Chun, August 25 zan apat 26 zan chan Hill Town Kochuam Biakin ah Rereat sutzawm a hi. Speaker chu Rev. Vanlalbela, Mizoram a hi. Seminar leh Retreat na hung pang, Kochuam

3. July, 2004 – Dec., 2005 : Pro-Pastor, Sharonphai Bial
4. 2006 – 2010 : Pastor, B. Phainuam Bial
5. 2011 – 2014 : Pastor, Mata Bial
6. 2015 : Special Training, D. Phailian Bial
7. 2016 – 3<sup>rd</sup> Sept. 2018 : Pastor, Sharonphai Bial

Mata Pastor Bial ah a um lai in, 2013 kum in Lamka South Presbytery ah Moderator mawpuakna a la tuk hi. Chun Sharonphai Pastor Bial ah a hung um kit hun 2017-18 sung ahin, Phaipi Presbytery ah Moderator hizing lai a hi.

Taksa hisellona khenkhat ziak a ki enkawl ah a umlai in, natna giltak nei ahi dan hiatdaw a hung hita, kaitua theitawk ah kaitua himaleh Lalpa lemguat chu mihingte'n pel theilo in, a na a seppiak Lalpa kiang a chun 3<sup>rd</sup> September, 2018 zinglam 11:30 am vel a kumtuang a ding in a chawl ta a hi.

A zing (4<sup>th</sup> September, 2018) ni'n Pastor Quarters (In ah) thâkdawna Rev. Khupneithang i/c B. Phainuam Pastor Bialin a nei ah. Biak In ah vuina hun chu Rev. Kamkhotinthang Neihzial, Co-ordinator in a mang hi. A chanchin genna Upa Tinliankham, Secretary, Phaipi Presbytery in a nei bawk hi. Chun, pauchap piakna Upa A.L. Thanga, Ex-Moderator, Phaipi Presbytery in a nei a, Sharonphai Pastor Bial Lapawlin Biak In ah thâkna lâ a sak zaw un than lam ah Rev. Khupneithang i/c B. Phainuam Pastor Bialin hun a mang a, Kochuamten ngai ma ma pum in vuiliam a hi ta'i. Zia vuiliamna hun ahin Manipur Area apatin Minister, Pastor leh Pro. Pastor tam tak a chia thei u'i.

***“A mithiangthote thina chu, Lalpa mitmu in lul tak a hi” (Sam 116:15).***



**REV. LUNNEILAL (59)**  
**CHANCHIN CHAWMKIM**



Rev. Lunneilal (59) hi Famta Pu Soitinhau leh Pi Phakhoniang chate 7 lak ah 4na a hi. 18<sup>th</sup> February, 1959 in Kamu Tampak kua'n a la piang hi. A zi, Pi Chonghoiniang leh a chate 5 tawh khawsa khawm zing lai a hi.

Rev. Lunneilal hi khawvel thiamzilna lam in PUC a la zo in, Pathian Thu zilna lam in G Th a la zo kit hi (Shillong Theological College 1982-84). Mi gunchu leh taima a hi'n, thiamna lam ngaisang mi a hi.

Kochuam kipumkhat ding thu um masang in, 1985 – 1989 sung in RCG Kochuam ah Associate Secretary na a la sem hi. Chun, 1990 – 1999 sung in RCG Kochuam m in Finance Secretary na a la sem hi. Kum 1998 – 2000 sung in RCG Kochuam ah Pro-Pastor leh Executive Secretary na a la sêm zawm hi.

Kochuam kipumkhat ding ti a hi phat in, 16<sup>th</sup> December 2001 a pat in Mizoram Synod zawm in, 2005 Synod Kikhawmpi, (Chanmari, Aizawl) ah Pastor ding ah namdetna a chang hi. Mizoram Synod : Manipur Area nuai ah mawpuakna chuam chuam nei in Lalpa nasemtu poimaw tak a hung hita a hi. Chanmun/Mawpuakna a tuk khakte :

1. 2002 - May, 2003 : Pro-Pastor, Sharonphai Bial
2. June, 2003 – April, 2004 : Special Course, ATC, Aizawl

Upa, Pem Upa leh Tual Upa zosiate malsawmna tamtak dawng pumin a kile kit u'i. Seminar leh Retreatna a hin mi 500 val a hung pang thei u'i.

## 2. Halna (Revival) Chungchang Zilkhawmna

August 31, 2018 ni'n Chongkhawzo Kochuam Biakin mun ah Tanggam Presbytery â ding bikin Halna chungchang zilkhawmna nei kit a hia, lawk takin mat zaw a hi. A chiakhawm thei zat chu mi 257 a hi. Ziate hi zilkhawm a hi:

### Resource Person

- Rev. Jerry Zoliansanga  
i/c Lamka Pastor Bial

### Topic

Halna : Thuthung Lui leh  
thuthung thak ah.

- Rev. Joseph lalnunmawia I Kochum sung ah halna ala tun  
i/c D. Phailian Pastor Bial dan le chiapi zel ding dan.

## 4. Rev. Lunneilal Vaiphei kum 59 (1959-2018) sùn thu

Sharonphai Bialtu Pastor (Phaipi Prresbytery Moderator paw lai), Rev. Lunneilal Vaiphei chun September 3, 2018 (11:00) A.M. in a na a sep piak Pathian kiang in ei la chawlsan ta'i. A zing (4<sup>th</sup> September, 2018) ni'n Kochuamten ngai ma ma pum in vuilliam a hi ta'i.

## 5. Pastor Exam:

September 12, 2018 ni'n Manipur Area Pastorte a ding bik ah Pastor Exam guanggal chu Thangkai-Lungpau Hall ah zaw a hi ta'i.

## 6. JPC Meeting

September 13, 2108 ni'n Thangkai-Lungpau Hall ah Joint Presbytery Committee nei a hi.

## La Hatlona Pathian Thilhitheina Suklatna a hi Bible Simdi: II Korinth 12: 5-10; 13:4

- Rev. T. Zuanlal  
Bethany Kochuam

Pathian in mihatlote a hepi in, amau haw ah pat in a thilhitheina a latsak sek hi. Khawvel ah mihingte hi hatlona nei chiat i hui a. Hatlona leh bukimlona hi taksa, lunggil leh thagau ah hin aum hi. Mihatlote hin Pathian in ei mattheina ding ah, i hatlona zosiau Lalpa Pathian kiang ah piak sang in, i hatlonateu, i titlonateu haw suanlam ah mangin Pathian anga kisêlna in i mangzaw sek uh a hi. I hatlonateu leh i bukim lonateu hi chanpal ah tung a hi pua, Pathian in a hiatlo ah i chung a thiltung le a um diak pua'i. Zialo a chun i hat lonateu hi ei haw thildan leh Pathian thildan a kibang him him pua'i. Bible chun Pathian in "*Ka ngaituanate hi la ngaituana sang in a sang zawi,*" (Isai 55:9) atia. Ei haw geldan in vang Pathian in a mi mat nawpte chu mi bukim, mithiam leh mi chungchuangte hi ding in i gel sek ua. Pathian in ahileh chu i hatlonateu hi a lopina suklatna dingin a mangcha nuam zaw a hi.

A pian lim a kipat ah mihing ngaitua khel dai in mitthum sa piang pa kha le Pathian nasep/Pathian lopina mihing thildan a chun ama kilatna ding a hi, a ti dai mai gitlo zia ahem ahilo leh a hi (Johan 9:1-4). Bible chun, nu leh pa gitlo zia ahem a "*Pathian in khawvel ah thil zia gual a vangsiatna chu a zâwngkhâl taktakte a têt hi,*" (I chung a tung hi dingin a ging Korinth 1:27) a tia. I hatlona chau a hi. Lalpa Jesu chun hile Pathian thilpiak khat

hi. Zia chu ama ut thu ah a chan hilo in mi ûpa a hi na zia ah a liangko ah kinga a hi.

Pathian in zia suangpi chung a hin ka kochuam chu lem ingka a tia (Mathai 16:18). Zia chu Khristian a tundaw Kochuam chu a hi. Zia Kochuam chu a enkawl dingin a mite ngansia in i um ua, zia enkawl tu ding ah guat ah um te chu Kochuam Upa i ti sek u'i. Gen dan dang a chun Belampu ti a hi. Zia KochuamUpa chun Upa dangte sangin mawpuakna sangzaw a nei ah, mawpuakna lian zaw a chang hi. Zia chu i changtel ah i mu gual un Kochuamte vak ding Belamte etkawl ding ti a hi. Zia mawpuakna chu ei ma thu ngei ah i lak sek uh i chan uh a hi zia kin, zia na sem zo ding ah chun pan i lak a ngai ta a

hi. Zia Kochuam chu Pathian tundaw a hi zia kin a vâk dingte chu thagau ah a hisel a dam a ngai a hi. Thagau ah damlo Kochuam Upa la hi kha tawl em? Pathian Kochuam enkawl ding chu eima i kimuanngam a ngai a, mîn ei taksan a pawimaw hi. Thagau ah la damolo chun Pathian Kochuamte hi vak in enkawl tak tak theipuan la, Johan 10:10 na chun Belampu pha chun a belamte a dingin a hinna a piat. I gam uh hin Belampu a belamte â dingah a hinna pengam a mamaw tak zet hilo a hem? Bangti leh Belampu pha dinmun i tung thei kit diam?

Simtu dawitak, upa la hi em? Mi ûpa la hem ahiloleh Kochuam Upa ? La dinmun pen pen ah mi muan ngam leh mi pui thei hi dingin Lalpa'n hun malsawm ta hen.

## UPA PATHUM

(Johan 21:15-18)

-Upa Siakkap  
Kawlhen Kochuam

Ei uh thingtang mite pau a hin thumal khat hin le gen daw dan zat chuam chuam a nei thei a. Thumal chu a masang ah um leh a nung ah um in a gen daw a kibanglo thei ziang hi. Zia thumal kibang gen daw dan ah a kawk zatchuam thei chu Upate hi a hi. Zia chu a la sui khawm hi tiu.

Pathian in mihing a ding dan ah pathian in ala siam chu ama ngawn ah a um guat chu a hi. ding pha a sa pua a kithuapi dingin numei (Evi) siam piak ing ka a tia (Thilsiamthu 1:27). Pathian mi siam chu a pawtdaw ding kuan un Adam ahin a kithuapi ding in pianphung ah cha upa pen in dinmun pawimaw tak a lua thu Pawtdawnathu 12:29 Evi a hi). Pawsal leh numei na'n a kimu'. Mihing piandan ah cha pawsal a piang masa kichen ua a hung umkhawm ah cha pawtdaw ding kuan un pen chu mi ûpa ti ah gen a hi phat uh leh pawsal chu upa ti sek hi. Ama nuai ah midang ah gen in a um tâi. Zia upa hungpiang kit zel te â dingin ti chun mawpuakna tampi mi ûpa chun mawpuakna kengkhawm in Khristian sang tak nei in hinkhua hung inkuan khat siamdaw na mangin, a na zo lote chu mi dingin mawpuakna a nei ngal gen sim leh holim na a hi zêl ta a hi. Zia chu mihing um

ahia, Pathian in i hatlona chungah a thilhitheina a sulang nuam zaw a hi.

Pathian in a thilhitheina hi mite lakin phutlui in a sulang ngai pua'i. Lalpa Jesu'n le i hatlonate'u ahia, thagau ah tasam i hui ti a hiat ziak in *'mi vangpha la hui'* (Matthai 5:3) ti in, thagau ah gilkiel leh basamte a malzawl sek a hi. Bible ah Pathian in mihatlote, mi maimaite, a hatlonateu kihiatmaw sakin, thupi tak â a matte gen ding mi a tam hi. Pathian in mi bukimte bep a mat hile vang, mihatlote a dingin Pathian in ei matna ding a kinep phak ding gual a hi pua'i. Pathian in mihatlote, mi bukimlote haw a mat dan i mu leh ei haw mihatlote, mi phazolote hi nasatak in ei fui in ei tilkho a hi.

Sawlchak Paul in a hatlona, *'ling'* a ti kha gitlona ahi pua, a ma ah hatlona um,

a bukimlona a genna a hi. Zia hatlona chu khawvela thilhitheina bangmachan a hi danglam thei taklo, Pathian thilpiak chu a hi. Pathian kiangin le ahatlona chun a nutsia theina dingin thumvei set a dawn ah, himaleh a pauchapna dawnhuna chu a haksatna lakmang piak taloin, *"Ka lungsiatna nang a dingin a hun tawk hi,"* tiin a hi hat hi. Zia thumal *'a hun tawk hi'* ti umzia chu, ka hepina hi nang a dingin a ki ting ma ma hi tina a hi. Zia hatlona hi mi phaklona pianphung ah gualphaklona, damlona ziak ah zawnkhalna haw hi a huap vek hi. Eima ah hatlona um hi hia zing kawm a, eima i ki etchian tak leh *'keivang Pathian in ei mang ngai ngai puan a,'* ti ding in thepin in um thei sek uh a hi. Ei haw bukimlo maleu hin, Pathian vang a bukim a hi. Paul in *'thilhitheina chungnung chu keimau ah hilo in Pathian â a hi ti a kilattheina ding in*

zia **go (Gospel)** chu leibêl in ka kawi tau a hi,' (II Korinth 4:7) a tia. Leibêl hi matchak sit um tak leh sevak tak, lûlna leh mel kilawmna neucha bep nei a hi.

Paulin, mihing titlo dan leh hawmthaw i umdan tak uh taklatna in a mang hi. Ginla umlo hial in mihatlote chu matchak sit um tak i hiu. Mihing titlo mama na hin, Pathian bukimna kiting tak mai chu ei mu sak hi. Ahinla mihatlo chun a hatlona hiazing puma, a hina gual guala Pathian kiang ah a kilat daw phat tak ua leh Pathian in matlo in a kawi ngai pua, matchak thupi tak in a mangzaw sek a hi (1 Kor.1:26-28). Chuti a hi ziakin Apostol Paul hi i ettawn ding un Pathian in ei la kawi piak chu a hi.

**1. La hatlona pawm in**  
Mihing hi hatlona nei ngen i hiua, ahinla mi

khenkhat chu a hat dan ah kingai in, midang hatlona sawiseltu leh genlang tun a pang sek u'i. Zia mite ading ah chun mani hatlona, titlonate kimudawna dingin hun a lut ten mai thei hi. Ahinla mi kuale a hatlona hi imlo ah, puang lang tute chun Pathian malzawlna a dawng zawu' a hi. Thuthung Thak ah thupundaw thupi pani vaktak lang leu hin, thil umdan i hiat thei zawkna dingun. Pakhatna chu Peterin Jesu a phuandawna a hi. 'Nang Messiah Pathian hing chapa la hi'(Matt.16:16) a tia. Apanina chun, Paul leh Barnaba chu Lustra khua a missionary khual zinnau akhan apian lim ah kipat keng zeng khat sukdamna a chan a khan, akhua mite chun a pathian uh chu mihing melpu a lakua hung kum suk hi dingin a ngai ua, tichun Paul leh Barnaba chu biak a vaisawm tau a hi. Zia phat

diam ti ka ngaitua châng leh thupi ka sa tun tun ziang sek hi. A lak ua hotu deu ah a nei uh, Peter leh Johan lawi suangkul ah khum a la hisek ziak uh kha thildang bangma ziak hilo in Jesu Khrista ziak ah chanchinpha kha amau apat '**Machâl da taleh**' ti ziak a la hi. Himaleh, gual dangte kha a la zâmzâk diak puau ei ve ! Zâmzâk malak in a la pauchap khawm zaw sek u'i.

A mit mu' ah thilmak tamtak te a la bawl sek lâi khan, hangsan in bang cheng a la gen sek maleu, amau apat Jesu lâkto a hi nung khan Jerusalem khua munkhat ahem ah khan kikul in Khrista hung kit ding kha a la pawng ngâk ziang leu le

mawk awimaw thei dingin ka ngai diak pua'i. A ziak chu, pawl tawmcha a hi nalai ua, a kilanpi te'u khala a thupi thei ma ma ngal ua. Himaleh, a mu leh hiat te'u kha tângkopi in a machâlpî zêl ua, tuni tiang hin nang leh kei kiang bep hilo in chanchinpha kipâk umtak chun khawvel mun zosia a lua zêl ta a hi.

Tuni hin, i ginna'u machâlpî ah kalsuan zêl dî'n Lalpa'n nang leh keile ei mamaw zing ahi ti hia'n, Pathian kipâkna tinglo gingtu hilo ah, Van gam zuan ah i chia lâi ua hin gentheina tamtak umsek maleh, chia hâm hâm ah machâlpî zêl thei dî'n Lalpa'n ei malzawl chiat ta hen !

*Samson khapchak chu Delilah malchung ahia, nuam tak qualin kilang maleh thina a tun hi.*

*Jakob khapchak wang Suangpi tâk chung ahia, haksatak himaleh Vangam lampi hawuna a hi ngala....*



*zukham in pianthak hun hung nei intin, zia tak chuleh thilpha bang ahem khat bêk hun bawldawk ding a hi*" tiin kuama kiang in gendawkw ngamlo maleh kinepna a nei nalai a hi.

Unaute haw! Taksa ah dam nalaite zosia chung ahin i Pathian in kinepna a nei zing hi. Zia chu, kinungtawl na hinkhua ah châm zing ta lo ah a hukdamna machâlp i ding ahin kinepna liantak nei kawm in ei la ngak zing a hi.

Lo bawltu chun pawltâk ah a bu lâkkhawm ding thîlzing pum in thanuam tak in na a sêm sek hi. Gim in chawl sek maleh a kilepsan ngai pua, a hun in a hun puakdaw gual zêl in a enkawl sek hi. A nasepna a machâlp i zia in pawltâk leh a phual in bu tamtak tak a luakkhawm thei sek ngei hi.

Van gam kineppi ah Lal nasêm i hinau ahin machâlp in i ki he chiat nau em? Lo nasêmtu zosia'n pawltâk ah bu tamtak tak a luakkhawm thei diak puau hilo maw? A nasepna a hunbi gual zêl ah machâlp i te bep khan ga tam a luak sek uh hilo ahem? Ziagual ma chun, mihing hinkhua ah zawnni leh hat nite le i tuak kha sek u'i. Banggual hunbi chu i chung ua hung tung sek maleh, i gin tâk uh i Pathian thu ah machâlp na nasep chawlsan kit phawt ziang thei gingtu chu i hilo him him uh a hi.

Nasepte bung 4na i et chun Gingtu masate kibulphu dân tângpi i muthei u'i. Pawl tamtak a la hinai puau ti chu muthei a hi. Banggual bep ah a la muchian ua, banggual bep ah kivaithâk chuam ah iu ah ziagual lawm lawma kha a la pang tan tan ziang uh a

chun amaute gêl inle a hi nau chu ki im loin a kipuang lang ua, "keiu' le nangmau guala mihing ka hiu," tiin a hinau diktak agen uh a hi (Nasepte 14:8-15). Kochuam puitu tamtakin panina hi a hepha ngai seklo uh a hi. Eima hina kihiat ten hi pawimaw mama a hi. Mi khenkhat chu mi ten a pachat ua a gen phat uh leh amau hina khel a ki chawisang in thu a gen kha sek uh a hi. Zia gual mite chu Pathianin a mang thei ngai sek pua'i. Pathian in mi a mat nawpte chu ahileh Ama Pathian ngei hiachiantu leh amau ngeile kua a hiu em ti kihichiantute a hiu. Eima kihatchianna chun kisak thei malakin kingaitawm takin in a hina dan dan in kipawm thei ta ding a hi. Chutichun, Pathianin ei mat theina ding in eimau ah hatlona um hi athilpiak ahi dan pawmin Pathian khutin a pialut ta a hi.

## 2. La hatlona ah lung awiin

Paul in Timothi kiana, "Lungawina tawh kithua ah Pathian ngaisakna hilawkna thupi tak chu vang a hi him a hi" (1Tim.6:6) ala tia. Pathian ngaisakna ziaka ga dawi um tak chu lungawina a hi. Paul le a hina dan dan ah a lungawi dan chu Korinth mite kiang a lekha thawt a khan hiti hin a gen lang hi, "Pathian lungsiatna zia kin ka hi'ding gual tak ka hi zo tai(1 Kor,15:10). I hina, i hatlona kipawm thiam zia kin lungawina a piang thei bep a hi. Chuleh, eima hin i hat lai leh i phat thei lai in midangte haw hi pawimaw in i hia bek pua, ahinla i hatlo hun leh i beidawn hunin chu midangte i mamaw kit sek hi. I hatlona chu midang tawh i kithuakhawmna ding ah kikân zawpna kha pha tak a hi. I hatlonau chun Pathian ei bêl nai sak a hi. Pathian mite chun, 'malzawl na kisêlgu a hi,' ala ti sek u'i.

Missionary thupi Hudson Taylor chun, *'Pathian mithupi zosia chu mihatlote,'* a hiu a tia. Pathian mi Mosi hatlona kha a lungnatna kha a hia. A lungnat zia in Aigupta mikhat a that ah, Meriba ah suangpi a tui a sut pawtna leh Thusawm Piak suang le a sep kêk hi. Ahin zia gual mi chu hiziang ta malehle, Pathian in Mosia a hidanglam ah, *"Mosia chu leichung ah mi zosia lak ah thunuaigawl leh nunnem pen a hi,"* (Kisimnabu 12:3) a la tia. Gideon hatlona chu mani kimuanna neilo mi himaleh Pathian in a hi danglam ah, *"Nang mihat, galdo hangsan,"* a ti a hi kha (Vaihawmte 6:12). Peter hatlona ahileh dawilawkna leh launa a hi. Lalpa'n a hi danglam ah *'suangpi'* ti a hita (Matthai 16:18). Pentikost ni khan hangsan takin thu agen a hi (Nasepte 2). Leng lopi David hatlona a hi leh zawntatna a hi (1 Lengte 15:5). Himaleh

Pathian in ahi danglam ah, *"Ka lungthim gual pu,"* a la ti a hi (Nasepte 13:22). Johan mi huham, vang chate ti hial hilehle, Pathian in ahidanglam phatin, *'Jesu'n a hepi'* (Johan 13:23) ti a hi ta, tichun ama chu *"Hepi Johan"* ti a hi ta'i.

A dik takin Pathian in i hatlona chu i hatna pen a chan sak thei hi. A man i hatlona pen a kipatin ei hi danglam nuam a hi. Pathianin Paul kiangin 'ka thilhitheina hi hatlona ei vei sukpitina aum sek,' atin, Pathian in zia guala chun a gen phat a chun Paulin a hat lona chu a hun pawm theita, lungawitak leh kipak takin 'Ziaziaichun Khrista thihitheina chu ka chung a um theina dingin, kipak takin ka hatlona hi suang zaw tang ka, ka hatlo phat sin leh ka hatsek ngala' a ti thei ta a hi. A hatlona chungin le a hina dan danin a lungawi thei ta a hi.

## MACHÂL

*Pi Thianneilian  
Chairman, CKNP, Manipur Area*

Mihing hinkhua â dingah pawimaw mama ziang "Machâl" ti hi ngaitua khawm hitiu. "Machâl" ti thumal hi, thumal tawmcha, vak tian dup dup le ngailo hi' ziang maleh thumal umzia nei tak a hi ti hi hethei chiat mai hitiu. Himaleh, ei haw vang mangthai ding ah kinungtawl pawl i hipuau a; hukhinna chang ding ah gingte i hizawu hi (Hebraite 10:39).

Hebraite kiang ah lekha thawttu hin, *"Ei haw vang mangthai ding ah kinungtawl pawl i hipuau"* ti thu a genna hin, vak gen belap nalai ding hileh *"bukhinna chang ding ah gingte i hinaw machâlpî ding ah guatte ihîu"* ti hile genkhawm nalai di'n ginchat a um ma ma hi. Ahin, "kinungtawl pawl i hipuau" a tina apat hin "Machâl" ti hi a pawimaw zia mudawk thei him him hitiu.

Unaute ! Taksa thilin vak ngaitua masa leu hin.

Chapa chun a pa insung nusia'n inchuan ta henla, kum sawm sung ving veng inchuan ta a hi nungin a pa insung apat a puakdaw, um leh bêl te tilo bangma nei belap nailo in um tamai leh, ama hingtu a pa chu kipâk di'n la gingcha em? Kikhualna neilo a chapa zia ah kipâkna a neilo ding zia chu hiatsa a hi mai hi. Pa chun chapa a nei leh a chapa ah chun kinepna a nei tei tei a hi. Chapa zukham zing pa chung inle pa'n kinepna a neilo diak pu'a'i. *"Ka chapa*

in hiat a hi zing in, khawvel ah gal muanglo pente a hizing tau hi. Zia chu a dawitelna'u ga ahi zing na lai hi.

Seppi dawitakte, la damlai ngei ah la dawitelna hi Lalpa'n a ngak zing a hi. La thu in thiam chang in latin, la thu ngei in thiamlo chang

in um ding la hi. La nawp ahi chun Vangam la tung thei in, gawtmun inle la um thei hi. La dawitel theina zalenna hi kuama'n a hung lakpiak thei pua, Lalpa'n dawitel thei ding in ei siam a hi. Tuhin la dawitelna chu tel ngal in. Lalpa'n Malsawm ta hen. Amen!

## REVIVAL SPEAKER TE PROGRAMME

### PU KAMZATHANG

SN	DATE	PROGRAMME	NEINA MUN	BIAL
1	26th October 2018	Numeite ni	Gangpimual	New Lamka
2	20-23 Dec	Crusade	Leisang	S.Kawtlian
3	27 <sup>th</sup> Dec 2018 - 1 <sup>st</sup> Jan 2019	Pawsal Camp	Chiangpi	Munpi
4	Feb 8-10, 2019	D. Phailian Bial KNP Khawmpi, 2019	Centenary	D. Phailian

### PU V. K. THANGA

SN	DATE	PROGRAMME	NEINA MUN	BIAL
1	29 oct- 2 Nov 2018	Bial Huap Revival Crusade	S.Kawtlian	S.Kawtlian
2	9-11 Nov, 2018	Revival Crusade	Leijangphai	Leijangphai
3	12-16, Dec, 2018	Crusade	New Dampi	Kangvai
4	Jan 25-27, 2019	D. Phailian Bial KKP Conference 2019		D. Phailian
5	Feb 8-10, 2019	New Lamka Bial KNP Khawmpi, 2019	Bethlehem	New Lamka

### 3. La hatlona dik takin genlang ngamin

Pathian nasep hi haksatna thuak theina ah kipan a hi. La hina, la mantheilona, la hatlona la gendawka, mi dangte haw kianga haksatna pat malzawl na la dawn dan la suklat ngam chun Pathian in midangte malzawl na ding in hun mang ding a hi. Adik takin Pathian in i hatlona hi, hatna leh malzawl na achan sak thei hi. Aman i hatlona pen apatin ei hi danglam nuam zing a hi. Sawlchak Paul in haksatna a la tuakdan chu a lekha thawtte hin imu, gingtute a dinga ettawn ding a hi dan imuu a. Zia te chu ensuk hitiu:

1) *Alawsapnate* : Paulin a lawsap dan hitin kichian takin agen hi, "Phatna dinga ka bawl nawpte chu bawl sek lo in diklona bawl ka nawp lo chu ka bawl zaw sek a," (Rom 7:19) a tia.

2) *A lunggel (feeling)*: Paulin a lunggel zosia a genna

chun, 'La kiangun kichian taka ka gen a hi, ka lungthim nanguh lamin ka hi lian u'i a tina a hi. **Living Bible** a chun, "Ka lunggel zosia ka hun gen la hui" a tia.

3) *A beidawnna*: Sawlchak Paulin a beidawn dan chu hiti gual a hin agen lang hi- "Suapite haw, Asia ka tun ua ka thawkgimnau kha la het uh ka daw i u'i, ha'tak ah thawk zaw gual lo ah, hinle kinem lo khawp ah ka thawk uh kha" atia( 2 Kor.1:8).

4) *A launa*: "La lak un zawngkhâl tak leh lau leh kithing kawm in ka um hi"(1 Kor.2:3) a tia. Paul in a hat lona chu hangsan takin a puang lang ngam a, ei haw a ding in malzawl na a suak ta a hi. Zia gual a chun min a hatlona, ahaksatnate, mi dawilo ah a umnate, lawsapnate, kihawng tak leh ki ngaitawm taka a hina diktak a genlat chun, a la

ngai thatute a dingin Pathian hepina ziakin malzawlna a hi sek hi.

Bible ah chun Pathian in mi kingaitawmte hepina a pia sek hi ti i mu'ú a hi (I Peter 5:5). Mi tamtak in kingaitawmna umzia a hiathiam ngai puau in, kingaitawmna chu bangmalo kei ah kikawina dan in a ngai ua, zia chu hilo in, lunggil dik tak ah i hina suklatna a hi zaw a hi. Mi a lunggil ah a dik deu deu chun, Pathian hepina a mu tam deu deu hi. Mi kingainiam chun mi a hip in, mi zaidaw theite chun mi ngainat a lawu' hi. Kingaitawmna leh zaidawna chu midang tawh i kiguizawp nau lampi chu a hi. Ziaziak chun a hi Pathian in mihat sangin a ma ah kinga zo mihatlo a matnawp sekna zia chu. Mite'n la hatlona hilo ah la hatna a muu' chu, "ama

a dingin a pha'n, kei vang hithei puan a," ti'n tiu in, amau fuitu hilo in, a suhatlo tu hizaw ding la hi. Ahinla, hatlo chung ah Pathian in a hun matdan a mu'u chun, "Pathian in ama le a matthei chun, keile ei mang thei in ah," ti'n tiu in, nang chu mite fuitu leh tilkhautu hiding la hi. Hatna hin kielna a siamdawk a, hatlona'n a hileh midang tawh pankhawmna a siam hi.

#### 4. La hatlona kisanpi in

Sawlchak Paul in a thiamna, a hiatna leh a seiletna haw kisanpi lo in, a hatlona a kisanpi dan zia gual hin a gen hi. "Keivang ka hatlona tilo ngal suang puang ka," (II Korinth 12:5) a tia. Setan in la hatlona a hun kawkmun chun pawm in, ahinla la lunggil in, Jesu i hatlona zosia ei hiathiam pa leh Thagau Thiangtho ei

a hi. Himaleh, mipite vauna leh Kaisar lawipa hina chan lo khak ding a lau ziakin Jesu Khrista sang in Kaisar lawi ah pan chu a têt ta mai a hi. A thiam channa ding in mipite mitmu in a khut a sil in, zia thisan ah hin ka thianga hi ti'n ama leh ama a kithiamchan a hi. Ahinla, Lalpa mitmu in a thianga diak pua, hun sawtlo nung in a hinkhua hi launa ngen in a dim ta'n, sawt le dam diaklo in a thita a hi. Ziagual dinmun ah ding ei Khristiante lak a tamtak i um khak ding uh hi tizat umtak hi ding a hi.

#### 5. Juda mipite dawitelna (Mt. 27:25)

Juda mipite'n le dawitel theina Pilat apat in amu'u ah, zia chu Jesu ahem ahilo leh Baraba ti a hia. Juda mipite'n le muchian leh hiachian zing kawm in Jesu Khrista sang in Barabba suammang suangkul tang chu a têt ta mai uh a hi. Pilat in "Zia thisan ahin ka thianga hi" a ti gual in Juda mipi te'n le

"zia thisan maw chu kei uh leh ka chateu chungin umta hen" tia siasam in Jesu Khrista sangin Barabba a telta uh a hi. Ziagual lawm ah a dawilo jiaq ua a tawpni leh a chan ding uh a huaisiat ding zia Lal Jesu'n a kumtuang mit ah mu ziaq in nasa takin a kap hial a hi.

Lal Jesu gen gual in a dawilo ga uh A.D. 70 kum in a hung tung a hi. A khawpi uh chu General Titus sepai te'n a hun lua khum in chemzam in tamtak a that u'i. A thibâng sunte Khraws ah khenden in a dam nalai khenkhatte chu gamdang in a thawt dal vek nalai uh a hi. Zia mai chule hilo in Kidopi Panina (*II World War*) hun inle Hitler in Juda mi nuai sawmguk vel ding hial hepina panglo in a la that kit hi.

Aw, Pathian dodalna zawng ah dawitelna lak mai hi a lauun na e maw! Tuni chan in a khawpi uh Tel Aviv hi bomb puak git thawm nisin

a kipakpi zia in pilna bep pia loin hausakna leh lopina le a piakhawm ngal a hi.

Ziagual ma chun tulai Kochuamte'n le i hat thak theina dingun Thagau lam nawitui hi ngaikhawm masa in, Thagau lungthim pu'n pan la chiat leu hin Lalpa'n i mamaw dangte chu ei belap piak thei mama lo ding a hem?

### 3. **Juda Iskariot dawitelna (Mat. 26: 14-16)**

Juda Iskariot hi a insung dinmun vang kihia kim lo a hi. A kilat dan in insung khawsa theitak vang hilo maithei a hi. Ama ngei le Jesu Khrista matsaktu ah a pan ding kuan in a dawitelna hung lut chu dangka sawmthum (30) kilak ah Khrista matsak mai chu a hi ta. Zia hunlai ah dangka sawmthum chu tawm khello maithei in a. Malzin thanmual chawm theina kham ting hial hi tamtak hi maithei a hi. A dawitelna hi Pathian a dingah luaksuakum tak ahi zia in

kisikna leh kingaisiatna'n a hung dim ta'n, tichun a tawp in thi melsia takin a thita a hi.

Ei uh le i kingaitua a kul takzet a hi. I mau hin dawitel ding a tam hi. I dawitelnau chu i chitthei uh a ngai hi. I gin uh Jesu Khrista le ngaisak manlo khawp ah khawvel sum leh pai tawh i buai zing ua leh i malam chu a thim sa ahi ti hiat ngai a hi. Dawitelna diklo chu lauum tak a hi.

### 4. **Pilat dawitelna (Mat. 27: 15-26)**

Pilat dawitel ding chu Jesu ahem ahilo leh Kaiser lawipa ah pan ti a hi. Zia gual dawitelna leh tulai Khristiante lak inle a tam hi. Pilat in a ngaituana zosian Jesu hi panpi a thadawm a guai ti i mu thei u'i. Pilat umdan ding i ngaitua piak leh le lungsiat um tak in a lang hi. Vaihawmna lalchutpha a kichut lai tak nangawn ale a zi it tak mai in ahun thu vaithak mai khale buaina kham a ting

panpitu pakna in la lungthim lua dim sak in (Hebrai 4:1; Romte 8:26). Pathian in nasa tak ah ei mat nawp zia in a changleh i hatnateu hatlona a chan sak thei a hi. Etsakna'n - Jakobin a ma dawidan leh tup dan ah chia ziang sek pa chu zan khat chu Pathian tawh a kibuan ua, "*Lei malzawl lo leh tha'lo ding ka hi,*" (Siamtilbu 32:26) ti in Pathian a tuchak kei hi. Pathian in malpi gu kisuktuakna a khawi piak ah, tichun a malpigu kisuktuana chu a kipel ta. Pathian in Jakob thahatna chu a khawi ah tichun Jakob kêng a hung bai ta'n, mihat lai chu mihat lo a hi ta mai a hi. Zia ni ah kipat chun Jakob chu a kibai ta, Pathian in a lopina a chung ah a suklatna ding leh, Jakob chu Pathian ah a kingak zawk diakna dingin, a hatna chu hat lona a chan sak ta a hi. Tichun, Jakob in Pathian a ho inle a tiangkhut

ah kinêl cha pum in Pathian a ho ta a hi (Hebrai 11:21).

### 5. **Pathian in lopi tak ah a hun mat ding la nuam em?**

Chuti a hi chun la damsung zosia Jakob gual ah hatlo ah um la huam diam? Jakob in Pathian a buan ah, Pathian in a malzawl ah, a hatlona chu Pathian lopina suklatna a hung hi ta'i. Nangle titak zeta pauchapna Pathian la bawt chun, Pathian thilhitheina in sukdanglam in um in latin, Pathian in hun malzawl in tin, la hatlona chu a lopina suklatna hung hitan ah. Zangaina dim Van Pathian chun mi a mat ding chu dawichuam bik nei lo a hi. Nangle a hun mang nuam zing a hi. Lalpa'n simtu zosia a dingin malzawl ta hen. Amen !

## DAWITÊLNA (Deut. 30:19)

*Rev. S. Mangminthang  
i/c. Dumlian Pastor Bial*

Tulai ka lungthim ah um leh hung kilang sek, “Dawitelna” ti thu hingaitua khawm ding in ka hun zik hi.

Dawitelna umzia tamlo vak taklang hi ti’u. Bible i sim a hi chun Pathian in mihingte hi ama kibatpi in lopi takin ei siam a hi ti i mu thei a hi. Lalpa’n a ma tawh kituak chet in ei siam pua, ama nuai deu in ei siam zaw a hi. Bible in “la thu’n thiam chang in latin, la thu ngei in thiamlo chang in um in la” ti’n ei la gen a hi. Ziagual dinmun lopi taka siam i hi zia in zia khawvel ah i damsung ua hin dawitelna pha nei a ngai a hi. I nawplo sa sa un Pathian in Vangam ah puilut ei gaw lo a hi. Ziagual ma chun nawplo sa sa ma in Setan in le gawtmun ah puilut theina thuneina nei bik lo a hi. Lalpa’n nang leh kei dawitelna kinga ding in a kawi a hi.

Bible ahin mani ut thu ah dawitelna mang i mu a hi. Khenkhatte’n a dawitelna ga uh lim tak in a chên un, maleh khenkhatte’n haksatna a tuak khawlaw ui ti i mu a hi. Ziate lak ahin tamlo vak sulang hi ti’u.

### 1. Mosi dawitelna (Heb. 11:23-37)

Mosi a ding ah dawitelna um chu ahi leh Aigupta leng chanu chapa ah pan ah Aigupta gam hausakna zosia neitu hi ding leh Pathian mite tawh thalek

gam ah vakvai hi a hia. Nang leh kei hi Mosi dinmun in vak ding ta le hin khawi zawk chu i têt diam? Zia hun lai ah lengte thunei zia hi i ngaitua le ên um tak a hi’u. A nawp nawp uh a nei thei ua, thina leh hinna chung natiang inle thu a nei thei uh a hi. Mosi in zia haw zosia a hiatsa himaleh ngaituana chîmtak nei in hun chawmcha sung bep khawvel nawpna hinpi sanga Pathian mite tawh genthei tak ah thuak khawm mai chu a têt zaw ta mai a hi. Nang leh kei ngaituana hin Mosi dawitelna hi tel tâk i sa na diam? Pathian mite tawh genthei tak ah hinkhua mat a têt zawk tak zia kin haksatna tamtak a hung pal in, a chipite nangawn inle thalek gam ah suang a selup a gaw hial uh a hi. Zia bep chule hilo in Pisga tang in Pathian thuthung pua in a thi den a hi. Himaleh, a dawitelna chu Pathian hiatpi leh kipakna lam a hi zia kin Thuthung Thak lam ah mêl danglamna tang ah a lopina a hung kilang a hi. Pathian

in zia khawvel sang ah Van ah lopi taka palai hi ding in a chawisang ta a hi.

I Kochuam leh Nam puitu te’n dawitelna phatak hun siam in PCI nuai ah um, Mizoram Synod i zawp nung ua hin Pathian zalin i Kochuam hin taksa leh thagau lamin masawanna nasatak i dawn dan uh mu thei a hi.

### 2. Solomon dawitelna (1 King 3:5ff)

Leng Solomon hi leng a hung pan in Lalpa’n la nawp nawp dawn in hun pia ding ka hi a tia. Ama’n le Lalpa la mipite ka puihuai theina ding in pilna eipian tia a vakdawt mai hi lopi tak a hi. Nang leh kei ziagual dawitelna piak hita leu hin bang gual i dawn diam? Tamtak te’n i dawt ding ua ka ginchak chu hausaknate, MLA, MDC, Contract na lian tak tak hintin, pilna vang dawn masa khel puai ti’u. Solomon dawitelna chu Lalpa